

人命無常合會有別生者有死不生不終一切本空自作起滅展轉五道譬如車輪已解本無不復起分婦聞佛言心開意解即發無上正真道意即時得立不退轉地愁憂除愈如日無雲佛說如是四輩歡喜諸天龍神稽首而退

### 佛說婦人遇幸經

竟

### 佛說四天王經

宋涼州釋智嚴共寶雲譯

聞如是一時佛在舍衛國祇樹給孤獨園佛

告諸弟子慎汝心念無受六欲湫情去垢無求爲首內以清淨外當盡孝以四等心奉養所生晨入尊廟誓首悔過朝暮誦思經妙義以佛重戒治心穢病齋肅靖處數息禪定及流盡源以求道真壽命猶電恍忽即滅齋日責心慎身守口諸天齋日伺人善惡須弥

山上即第二天天帝名因福德巍巍典主四天四天神王即因四鎮王也各理一方常以月八日遣使者下案行天下伺察帝王臣民龍鬼蚺飛蚊行蠕動之類心念口言身行善惡十四日遣太子下十五日四王自下二十三日使者復下二十九日太子復下三十日

四王復自下四王下者日月五星二十八宿其中諸天僉然俱下四王命曰勤伺衆生施行吉凶若於斯日有歸佛歸法歸比丘僧淨心守齋布施貧乏持戒忍辱精進禪定翫經散說開化育冥孝順二親奉事三尊誓首受法行四等心慈育衆生者具分別之以啓帝

竟六

三

釋若多修德精進不怠釋及輔臣三十二人僉然俱喜釋勅伺命增壽益算遣諸善神營護其身隨戒多少若持一戒令五神護之五戒具者令二十五神營衛門戶凶疫衆邪陰謀消滅夜無惡寢縣官盜賊水火災變終而不害穰禍滅怪唯斯四等五戒六齋耳猶如

大水而滅小火豈有不滅者乎臨其壽終迎其鬼神上生天上七寶宮殿無願不得若有不濟衆生之命穢濁盜竊姪犯他妻兩舌惡罵妄言綺語厭禱呪咀嫉妬恚癡逆道不孝違佛遠法謗比丘僧善惡及論有斯行者四王以聞帝釋及諸天僉然不悅善神不復營護之即令日月無光星宿失度風雨違時以現世人欲其改往修來洗心齋肅首過三尊四等養親忠于帝王慈心諫諍至誠無欺及前修來捐穢濁之操就清淨之道若有改邪行就正真者帝釋四王靡不歡喜日月即清明星宿有常風雨順時毒氣消歇天降甘露地出澤泉水穀滋味食之少病華色奕奕壽命益長生不更牢獄死得上天天上福德所願自然飛行存亡項有日光食自消化無有便利之患身中香潔口氣苾芬今日月星宿即諸天宮宅也七寶殿堂懸處虛空在意所之壽終下生侯王之家顏華煒煒見者心歡

逢佛值法賢聖相連方行不與罪會必得涅槃斯皆五戒十善斂情攝欲六齋使然拘留秦佛時人壽六萬歲民性無為護彼猶養已平等無二彼佛去世世正教衰薄民無正行以漸為惡其壽日減至于百歲吾善逝後民違佛教無復孝子司命減筭壽日有減天神不祐凶疫惡鬼日來侵害災怪首尾願與意違非禍縱橫生羅王法之囹圄死入地獄餓鬼畜生若出為人必為下賤善惡迢身猶若五穀隨其所種獲其果實亦如夜書火滅字存身死名滅殃福不朽慎護汝心攝身守口五戒十善可從得道吾今得佛積行所致諸弟子聞經歡喜作禮而去

竟六

四

佛說四天王經

者六

佛說摩訶迦葉度貧母經

宋三藏法師求那跋陀羅譯

聞如是一時佛在舍衛國度於君民與除饑